secta, et che non voleno più frati mendicanti nè altri, aderendosi alla via lutheriana, per modo che heri questa Regia Maiestà con il suo consejo mandò per questo reverendissimo Legato, pregandolo che a questo el volesse proveder. Il quale rispose che se la sua Regia Maiestà non li mancherà de il brazo secular, che lui li provederia. La qual Regia Maiestà li replicò che fra dui giorni la ge farìa provisione, di sorte che sua signoria reverendissima et tutti cognosceranno lui esser cum tutto il suo regno optimi christiani et obsequentissimi de la sacrosancta Apostolica Sede.

Vene in Collegio l'orator di Franza, dicendo sono 10 milia foraussiti milanesi fuora de Milan, quali si cavaria il sangue per cacciar il Ducha dil Stado, e che il Ducha e ducheschi non tien pescaori (sic) et che il re Christianissimo e sui seguazi è nostri boni amici a ogni via; concludendo che francesi sariano vincitori de la guerra.

A dì 8. La matina non fo nulla di novo, et fo terminato far ozi Pregadi per lezer letere e far un Savio dil Consejo.

Di Crema, dil Podestà et capitanio, di 6. Come quelli di Lodi attendevano a la fortification de la terra, butando zoso monesterii et chiexie, et haveano posto una taia a la comunità desseno al zorno a li homini d'arme per uno marzelli 4, e a li fanti marzelli 2; e altre particularità.

Di eampo, da Martinengo, dil provedador Emo, di 6, hore Come quelli di Milan non erano molto contenti di la venuta dil Vicerè, et si aspectava il marchese di Pescara, qual era zonto a Pavia, et le 400 lanze dil Vicerè; etc. Item, par li lanzinech si aspetava non sariano cussi presti, nè poteano esser avanti questo Fevrer a Milan; et che quelli di Milan desidera che 'l Vicerè con le zente enscano in eampagna. Et di quanto fu preso nel Senato circa il passar di le nostre zente, esso Proveditor lo disse al signor Governador, et serive sopra questa materia, et che l'orator di Milan è restà molto satisfatto.

191 Di Bergamo, vidi letere, di 4. Come la septimana passata sono gionti in campo de francesi sguizari 4000, ch' è segno la cosa vol andar a la longa. Questa sera, per via di Trezo, hanno hauto aviso esser stà soccorso Arona; al qual locho francesi fanno extimatione di haverla, perchè poi saria in sua libertade de pigliar Monza et Como, et questo per assediar de novo Milano di victuarie; el qual re vera patisse al presente assai de victuarie, Heri sera uno nominato el conte Girardo da Arco homo

di gran conditione et capitanio di lanschinech, alozò a Malpaga sul territorio bergamasco in caxa dil eavalier missier Alexandro Coion suo barba, et disse che havea denari seco, et che andava a levar 6 in 7 milia lanschenech novamente, da venir in subsidio di questa impresa. *Item*, per letere di 5, replicha questo instesso.

Di 6. Come hanno, francesi haver abbandonato la impresa de Arona, et se hanno levati da la obsedione di quella cum sua grandissima vergogna, e fono morti sotto Arona di loro più di 1500 persone, cum 5 capetanii; sichè hanno fato poco fructo il suo andar li. Domenica matina, fo a di , ussite di Milano 400 lanze et 4000 fanti con artellarie e veneno a Marignano et lo preseno et hanno morti più di 60 persone, lo resto che erano dentro svalisati, e da poi se messeno a batter la roca, ne la qual erano retirati alcuni fanti, li quali si reseno; et cussì quelle gente sono ritornate a Milano, excepto 300 fanti, che hanno lassato lì a Marignano per tenir quel passo.

Da poi disnar, fo Pregadi et lecto le letere,

Fu posto, per i Consieri e Cai di XL, atento sia stà tolto il scurtinio di V Savii sora la mercadantia, et che sia stà tolto uno solo, però sia preso che siano electi de præsenti V Savii sora la mercadantia dil corpo di questo Consejo, con pena di ducati 500 da esserli tolta per cadaun dil Collegio nostro, da esser aplicada come aparerà al Collegio. Ave 162 di sì, 10 di no, 1 non sincera, e fo presa, et tolto poi il scurtinio con bolletini.

Scurtinio di uno savio dil Consejo in luogo di 191* sier Antonio Trun procurator, la soa scusa è stà aceptada per questo Consejo.

| Sier Jacomo Soranzo procurator Sier Lunardo Emo è proveditor zene- ral in campo, qu. sier Zuane el ca- | 101. 94 |
|--|---------|
| valier | 53.148 |
| Sier Marco Foscari è ambassador al | |
| Summo Pontefice, qu. sier Zuane . | 82.116 |
| Sier Andrea Gusoni procurator | 29.171 |
| † Sier Zorzi Corner el cavalier procura- | |
| tor, fo savio dil Consejo | 160. 37 |
| Sier Alvise Gradenigo fo cao dil Con- sejo di X, qu. sier Domenego cava- | |
| ljer | 88.109 |
| Sier Zuan Badoer dotor, cavalier, è | |
| ambassador in Franza | 79.119 |